

S₂ 960

00

K34/16

H.K. 34/16

Leetō La Daimane

J. Mosethe.

Babereki xe ba e ya Daimane masoaxana le banna, ba be ba re xe ba rera xo ya makxoweng Daimane, ba be ba thōma ba a rapana, xe ba bōna xore bo mokete le bo mokete re kwane re tla ba kaa, ba tla botšana ba beana matsšiši a xo tloxa, xo tšwa. Byale xe ba kwane e mongwē le e mongwē o šila mefaxyo (dipoba), dipoba tša bōna ba be ba xadika leotša ba teba dikoko (tša morula) Leotša ba le xadika ba le šila.

Byale dikoko ba di teba ba di setla byale ba di thlakantša ba di setla xapē ka lehudung, byale la bopya lekate. Leotša le dikoko tše xe di thlakane di bitšwa lekome (mphaxo wa tsela). Xapē-xapē xe marumō a yo hula kxolē ba šila mefaxyo ya makome. E mongwē le e mongwē o be a seta seeta sa ramphašane sa phatla ya nane. E mongwe le e mongwē a seta tše pedi xobane ba re ramphašane o tee o fêlêla tseleng. E mongwē le e mongwē o tša mokxabo

Mokxabo ke kxapana e naxo le
 moxolwana e kxobêllwa ka lebyana ya
 thubêlwa ka patla xe motho a swere
 leêtô a puwele metsi ka yôna a a thile
 ka moraxo ka patla. Ba be e mongwê
 le e mongwê a tšea patla tše pedi tša
 mapara. Ba re xe ba šetše ba le
 mabaleng xare-xare xa naxa ba
 thsetše Lekwê (noka), ba re xe ba rōbala
 ba be ba hlōma dipara fase di šupa
 moo ba yang xōna. Ka baka la xore
 xo be xo se na dihlang pele le moraxo
 xo be xo no swana. Ba re ba bantši
 ba be ba re xo tsoxa ba boêla moraxo
 ka xore pele le moraxo xo be xo swana.
 Leêtô la Daimane le be le sepelwa
 marexa fêêla, batho ba be ba thsaba
 dinoka xo tlala byale ba be ba thswenya
 ke phefô ya kapoko, e be e no ba thibêlwa
 matsiši a mararo pelô xo tše ba
 robetše.

Ba be ba xarola byanya ba
 ala byo bongwê ba bo ala ka
 xodimo xa mekxatā ya bōna. Xe
 motho a rota e no re xo mongwê
 šutêla mouwe ke a rota xobane xo
 be xo se na xo

nthsa nkô. Xe ba šetše ba e xare xa lebala ba be ba re xe ba se ne dikxonye tša xo xotša mollô ba be ba nthsa e mongwê le e mongwê lepara ba xotša ka ôna mollô. Ba be ba sa apee tseleng xobane ba be ba se na dipitša xe e se bokome fêla.

Xe ba fêlêlwa ke dijô mo tseleng ba be ba thuša ke maplase a Maburu. Ba be ba šoma matsatsinyana ba lefiwa ka dijô, ba fiwa kramelô ya mapela ba apee ba dia mefaxo. Xe ba fihla Daimane ba tla bôna mošomo ba šoma. Byale xe ba bowa ba tla re pele ba tloxa Daimane, ba letana xore e be sehlôpha ka baka la xo thsaba dikebeka tseleng. Dikebeka di be di ba amoxa merwalo.

Xe ba tsêna maxaenga a bôna motho o tla kwa dithunya xobane ba be ba tsêna bošexo, ba be ba bitšwa makarapa. Lekarapa (makarapa) a le tsene moxare. Makarapa a kapa lekarapa merwalo ya bôna e be e phuthullwa ka molaô. Morwalo wa lekarapa la

lesoxana o be o phuthulla ke kxadi
(kxadi ke kxactšadi ya xaxe ya pele).

Xe e le monna ya bikileng morwalo
wa xaxe o phuthulla ke mosadi wa xaxe
byalo-byalo.

Makarapa a tšwang Daimane
lethswaô ba be ba apa motato o bitšwang
makxati letšoxong o mohuibidu bya
letsoku. Matswa Daimane a be a nee
botumô byo boxolo xare xa ba xabô.

END. S. 76.